



ADRODDIAD I FWRDD UCHELGAIS ECONOMAIDD GOGLEDD CYMRU

17 MEDI 2021

TEITL: Adolygiad Asesiad Rhaglen 2021
AWDUR: Alwen Williams, Cyfarwyddwr Portffolio

1. PWRPAS YR ADRODDIAD

- 1.1. Pwrpas yr adroddiad yw cyflwyno canfyddiadau Adolygiad Asesiad Rhaglen (PAR) 2021.
- 1.2. Mae'n ofynnol dan Gytundeb Terfynol y Cynllun Twf bod Cynllun Twf Gogledd Cymru yn destun adolygiad porth allanol blynyddol.

2. Y PENDERFYNIAD A GEISIR

- 2.1. Bod y Bwrdd yn nodi canfyddiadau Adolygiad Asesiad Rhaglen 2021.
- 2.2. Bod y Bwrdd yn nodi y bydd yr adroddiad yn ffurfio rhan o gyflwyniad dyfarniad cyllid blynyddol 2021-22.
- 2.3. Bod y Bwrdd yn nodi y bydd y Swyddfa Rheoli Portffolio yn datblygu cynllun gweithredu i gyflawni yn erbyn yr argymhellion.

3. Y RHESYMAU DROS Y PENDERFYNIAD

- 3.1. Fel sydd wedi'i nodi yn yr adroddiad.

4. CEFNDIR AC YSTYRIAETHAU PERTHNASOL

- 4.1. Ym mis Rhagfyr 2020, fe wnaeth y Bwrdd Uchelgais a Llywodraethau Cymru a'r DU gytuno ar y Cytundeb Terfynol ar gyfer Cynllun Twf Gogledd Cymru.
- 4.2. Mae'n ofynnol dan Gytundeb Terfynol y Cynllun Twf bod Cynllun Twf Gogledd Cymru yn destun adolygiad porth allanol blynyddol o'r portffolio a'r pum rhaglen.
- 4.3. Mae Proses Porth yr OGC yn edrych ar raglenni a phrosiectau ar bwyntiau lle gwneir penderfyniadau allweddol yn eu cylch cyflawni. Mae'n edrych i'r dyfodol i ddarparu sicrwydd y gallant fwrw ymlaen yn llwyddiannus i'r cam nesaf; ystyrir y Broses fel arfer gorau o fewn llywodraeth sifil ganolog ledled y DU.
- 4.4. Mae Adolygiadau Porth yr OGC yn cyflawni 'adolygiad cymheiriaid', lle bydd ymarferwyr annibynnol o'r tu allan i'r rhaglen/prosiect yn defnyddio eu profiad a'u harbenigedd i edrych ar gynnydd a'r tebygolrwydd o gyflawni'r rhaglen neu'r prosiect yn llwyddiannus. Cânt eu defnyddio i ddarparu safbwynt ychwanegol gwerthfawr ar y materion sy'n wynebu'r tîm mewnol, a her allanol i gadernid y cynlluniau a'r prosesau.

4.5 Cytunwyd gyda Hwb Sicrwydd Integredig Llywodraeth Cymru y bydd Adolygiad Asesiad Portffolio, Rhaglen a Phrosiect (PAR) blynyddol gan ganolbwyntio ar gyflawni'r Cynllun Twf.

Canfyddiadau'r adolygiad

4.6 Mae tîm yr adolygiad wedi rhoi asesiad hyder cyflawni o 'Ambr/Gwyrdd' i Gynllun Twf Gogledd Cymru. Dyma'r ail radd uchaf sydd ar gael ac yn welliant ar y radd 'Ambr' a dderbyniwyd yn 2020. Mae'r rhesymeg y tu ôl i'r radd wedi'i grynhoi yn y tabl isod:

Asesiad Hyder Cyflawni:	Ambr/Gwyrdd
<p>Darganfu'r Tîm Adolygu yr ymddengys ei bod hi'n debygol ar y pwynt hwn y caiff Cynllun Twf Gogledd Cymru ei gyflawni'n llwyddiannus. Fodd bynnag, bydd angen sylw parhaus i sicrhau nad yw risgiau yn troi mewn i faterion mawr a fyddai'n bygwth cyflawni:</p> <p>Mae ein hyder yn seiliedig ar y ffactorau a ganlyn:</p> <ul style="list-style-type: none"> • Cryfder yr arweinyddiaeth • Proffesiynoldeb y PMO a'i digonedd o bersonél profiadol a chymwys • Cydlyniant a chefnogaeth drawiadol y rhanddeiliaid a'r partneriaid • Y ffocws a'r ethos rhanbarthol cryf cyfredol • Y prosesau a'r rheolaethau PPM cadarn sydd yn eu lle <p>Mae ein pryderon yn canolbwyntio ar:</p> <ul style="list-style-type: none"> • Yr ansicrwydd cyfredol ynghylch buddsoddiad y sector preifat a'r diffyg strategaeth cydlynol ar lefel portffolio i adnabod a denu • Risg o effaith andwyol etholiadau awdurdodau lleol, CJs a'r newid i uwch aelodau/swyddogion • Yr angen am ddull gweithredu cytunedig i adnabod a rheoli prosiectau a allai fod yn anhyfyw 	

4.7 Mae'r adroddiad yn cynnwys pum argymhelliad fel y nodir yn y tabl isod:

Rhif Cyf.	Argymhelliad	Brys	Dyddiad Targed i gwblhau
1.	Dylai'r Portffolio sefydlu trefn o sganio'r gorwel i adnabod prosiectau newydd posib pe byddai'r rhai cyfredol yn troi'n anhyfyw a rhoi ystyriaeth gynnar i unrhyw newidiadau a fydd eu hangen i brosiectau presennol o newidiadau polisi. Dylid datblygu meini prawf er mwyn pennu nad yw prosiect yn hyfyw mwyach yn eu herbyn.	H- Hanfodol	Erbyn diwedd Rhagfyr 21
2.	Dylai'r Portffolio ail-sefydlu ei gerrig milltir a'i gynlluniau rhaglenni allweddol cyn gynted â phosib a cheisio cymeradwyaeth.	H - Hanfodol	Diwedd Hydref 2021
3.	Er mwyn cynnal cworwm ar gyfer penderfyniadau allweddol a chyflawni'r meini prawf cytunedig, dylai aelodau'r Bwrdd Uchelgais sydd â phleidlais sicrhau eu bod yn	H - Hanfodol	Cyn cyfarfod nesaf y Bwrdd Uchelgais

Rhif Cyf.	Argymhelliad	Brys	Dyddiad Targed i gwblhau
	penodi dirprwyon. Yn ogystal, dylid cytuno ar fecanwaith "allan o bwylgor" ar gyfer cymeradwyo materion brys ar gyfer y wedd cyflawni.		
4.	Dylid datblygu a mabwysiadu strategaeth ar lefel Portffolio er mwyn denu a sicrhau buddsoddiad sector preifat ac arall.	H - Hanfodol	Erbyn diwedd Rhagfyr 2021
5.	Dylai'r Portffolio adolygu'r risgiau a chanlyniadau'r diffyg arian refeniw ac ystyried sut ellir lliniaru'r effeithiau hyn.	A - Argymhellir	

4.7 Ni chafodd yr un o'r argymhellion eu labelu'r "C-Critigol" a fyddai wedi bod angen gweithred brys. Ystyrir bod yr argymhellion yn ddefnyddiol ac yn rhesymol gan y Swyddfa Rheoli Portffolio, a fydd yn datblygu cynllun gweithredu i gyflawni yn erbyn yr argymhellion hyn.

5. GOBLYGIADAU ARIANNOL

5.1. Er nad oes goblygiadau ariannol uniongyrchol yn gysylltiedig â'r adroddiad hwn, mae cwblhau'r Adolygiad Asesiad Rhaglen yn garreg filltir allweddol gan fod yr adroddiad yn ffurfio rhan o'r cyflwyniad i Lywodraeth Cymru a Llywodraeth y DU i sicrhau'r wedd nesaf o gyllid.

6. GOBLYGIADAU CYFREITHIOL

6.1. Mae'n ofynnol dan Gytundeb Terfynol y Cynllun Twf bod Cynllun Twf Gogledd Cymru yn destun adolygiad porth allanol blynyddol.

ATODIADAU:

Atodiad 1 Cynllun Twf Gogledd Cymru - Adroddiad PAR 2021

YMATEB Y SWYDDOGION STATUDOL:

i. Swyddog Monitro - Awdurdod Lletya:

Unrhyw sylwadau i'w cyflwyno yn y cyfarfod.

ii. Swyddog Cyllid Statudol (Swyddog Adran 151 yr Awdurdod Lletya):

“O ran 'Ariannu', rydym yn ymwybodol, fel nodir yn Argymhelliad 5 o dan ran 4.7 o'r adroddiad blaen, ac yn adran 10.6 o Adolygiad Asesu Rhaglenni Llywodraeth Cymru, y bydd cyllid 'ESF' WEFO yn dod i ben yn 2023. Felly, bydd raid i'r Bwrdd Uchelgais Economaidd gynllunio i sicrhau bod costau rheoli'r portffolio yn fforddiadwy, naill ai trwy leihau ymrwymadau refeniw erbyn y dyfodol, neu trwy sicrhau ffynhonnell gyllido amgen ychwanegol ar ôl 2023. Hyd yma, canolbwyntiwyd ar sefydlu'r Swyddfa Bortffolio yn weithredol a chyllidebu yn unol â hynny, ond yn ystod 2022 byddaf yn gweithio gyda'r Cyfarwyddwr Portffolio i gynhyrchu cynllun ar gyfer y tymor canolig.”